

SUMMO ADSPIRANTE ARCHIATRO!
DISSERTATIO MEDICA

GIBBERE,

DE
Quam,
F. J. 14
DECRETO ET AUTORITATE

Inclyti & Gratosissimi Senatus Medici
in Illustri & Florentissimâ

SERENISSIMORUM SAXONIÆ DUCUM

Academiâ SALANA,

SUB CLYPEO

Nobilissimi & Excellentissimi

DN. GEORGII WOLFF-
GANGI WEDELII,

Med. Doct. ac Theoret. Professoris Publici,

Archiatři Saxonici, S. R. I. Naturæ Curiosorum Adjuncti,

& Academ. Recuperatorum in Italia Collegæ,

Domini Mæcenatis, Præceptoris ac studiorum suorum Pro-

motoris omni observantiæ honorisq; cultu atatem suspiciendi,

publicæ divæ artis Sectatorum censuræ submittit

ad diem Maji Anno M DC LXXXI.

in Auditorio Medicorum

FRIEDERICUS Raseberg / BURGTORP. CELL.

AUTOR & RESPONDENS.

JENÆ, TYPIS VIDUÆ SAMUELIS KREBSII



I. N. 7.

ΠΡΟΟΙΜΙΟΝ.



Geometra est non tantum lineas rectas, sed etiam curvas dimensioni suæ subicere, & superficies gibbas æquæ ac planas considerare. Illis insudare tanta gloria non est, cum uniformes sint & naturales; natura enim agit brevissimis, id est, lineis rectis. His vero incumbere, eas emetiri & ad rectas reducere, hoc opus, hic labor est. Cum enim sint naturæ quasi anomala & multis modis variari possint, major requiritur industria, majusque ingenii acumen, quod tamen maxima comitatur jucunditas.

Quanta, quæso, voluptas est in Saturno observare gibbum illud, quod sive annulum sive ansulas sive laterones dicere velis, nobis perinde est? Quæ jucunditas in lunâ cernere inæqualitates illas, quas montes vallesque esse volunt? Ut nunc taceam terræ gibbositates, quas Geometra practicus summo cum labore, ferro atque igne solo æquare interdum laborat.

Æsculapii filios qui cum Geometris conferre intendit, à scopo forsitan non aberrat. Ii enim non duntaxat circa fabricam corporis humani erectam, sed & curvam versantur, eam reducendo, quantum in illis est, ad rectitudinem. Quod quidem magnis curis magnisque laboribus constat: arduum quippe veras ejus cognoscere causas, idoneis ob-

viam ire mediis, & in pristinum, quem natura intenderat, reducere statum.

At in arduis versari pulchrum est. Placuit igitur hâc vice gibbositates corporis humani paulò penitius perpendere, quod æternum Numen feliciter evenire jubeat.

CAPUT I.

Definitionem nominalem declarans.

NE in frontispicio statim propositi nostri mæandris implicemur, sed succincto & solido tramite procedamus, more recepto à vocis significatu initium facturi sumus. Nomina enim sunt εἰκόνες sive imagines rerum, quibus intellectui propositis ipsæ res, uti sunt, exprimuntur, & concipiuntur prout par est. Hinc eleganter *Plato in Gorgia*: ὅς ἂν τὰ ὀνόματα εἶδει, εἴσεται καὶ τὰ πράγματα, *nominum gnarus, gnarus rerum*. Consistit autem illa nominum cognitio in tribus: ETYMOLOGIA, HOMONYMIA, & SYNONYMIA.

Gibbus itaque, si ETYMOLOGIAM spectemus, nomen græcum est & latinitate donatum, descendit enim à κύπτειν *inflexere*, incurvare, à cuius præterito medio κέκυφα, abjecto augmento κε, & mutato α in ος, dicitur κύφος *incurvus*. Alii hoc nomen derivare allaborant ab ὑβός *curvus, inflexus*. Hinc ὑβωσις, ὑβωμα *curvamen*, tanquam ab ὑβόω *curvo*, quod illi, qui hoc affectu afficiuntur, non erecto sed magis depresso & inflexo incendant tergo; quæ tamen derivatio cum priori eadem est. Videri de hâc Philologiâ inprimis meretur *Pergamenus l.6. aphor. comm. 46*. Ex quo ipso loco & rei ipsius fundamentis potissimum arguere licet, quidnam sentiendum sit quoad

HOMONYMIAM, magni momenti quæ est, ut ritè procedamus hinc in dicendis. Notandum enim est, sumi gibbi vocem *latissimè* pro omni convexo & extuberante, etiam naturali, unde notum est, non solum montes ab *Helmontio* & aliis dici gibbos terræ;

terræ; verum speciatim hepar dividi in partem *gibbam* & *sinam*, convexam & cavam. Referri huc meretur, quod ipse *Cous* spinam scribit à sacro osse usque ad magnum verticulum *κνφν* gibbosam esse, *lib. de ossium naturâ c. 2. t. 6.* Quod repetit *lib. de articul. c. 41. t. 8.*

2. *Latè* & *impropriè* paulò gibbus notat omne vitium ossium circa ipsam cratem sive spinam, à statu recto in curvum abeuntium, & eminentiam inde consequentem, qualis tum in aliis ex consuetudine observatur, tum frequenter in senibus jam decrepitis, potissimum procerum corpus habentibus, quibus corpus præ siccitate aut imbecillitate nimia in anteriora incurvescit ac inflectitur, quæ tamen potius curvitas, quàm gibbositas nominanda, ut quæ nullo pectoris aut spinæ vitio accidat.

3. *Strictè* magis gibbi dicuntur in universum, quibus luxatæ suoque loco dimotæ prominent spinæ vertebræ. Hæc autem luxatio varia est, & deprehendimus illius quatuor vel quinque potissimum annotari differentias, quas communi & recepto ordine recensebimus. Una fit *extrorsum*, quum foras sive in posteriorem spinæ partem, vertebræ convertuntur, Græcis *κνφωσις* sive *κνγτωσις*, Latinis gibber, gibbositas dicta. Altera fit *introrsum*, quum in partem anteriorem vertebræ luxantur, ita ut in dorso sit cavitas, in pectore circa sternum præcipuè tumor, Græcis *λόγδωσις*, Latinis repanditas, recurvitas. Tertia ad spinæ *latera*, quando nempe vertebræ neque ante, neq; retrò recurvantur, sed in obliquum sive ad latus declinant, Græcis *σκολίωσις*, Latinis obstipitas, divaricatio; est autem sic dicta, quod tortuosum velut lumbricum terræ reptantem referat spirarum similitudine. Refert etiam *Hieronymus Cardanus in Comm. de Causis, Signis & Locis morborum part. 3. § 56.* id quod etiam obtigit citanti id *M. A. Severino, l. de gibb. c. 1. p. 324.* & *D. D. Præsidi*, visam sibi puellam, flexâ ita spinâ, ut literam S referret. Quarta est, quum vertebræ in loco quidem suo manent, earundem tamen compages laxatur, cum æquali magis in sedendo incurvatione, quod in tenellis infantum corporibus speciatim visitur, non item in senibus, exceptis, quibus id vitium incurvatum reman-

fit, qualem sartorem novit D. D. *Præses*, qui continuo incurvato & prono ferè corpore incedit, non aliter ac si aliquid amissum studio curioso semper quæreret. Græcis dicitur *σείσις*, Latinis *commotio* sive concussio, quassatio vertebrarum. De singulis his speciebus videri potest *Galenus l. 4. de loc. aff. c. 3. & comment. 3. de artic. t. 2.* Quinta est, quando tum vertebris dorsi, tum lato ossi pectoris, quod sternum dicitur, ut incurventur intus & extus, accidit, foedaque corporis existat figura cum depressione colli & elevatione humerorum, atque exsiccatione coxarum. Et ista corporis tortura vocatur ante & retrò gibbositas.

Ex quibus patet, tum singulas species probè discernendas, tum unamquamque illarum *strictissimâ* acceptione venire posse, cum primis verò, & magis *κατ' ἐξοχήν* gibbi nomine venit, quando, quod frequentissimum est, extrorsum fit spinæ protuberantia, quâ de etiam in præsentiarum agemus potissimum, ita tamen ut reliquarum hæc ipsa sit velut quædam norma, juxta quam & illis opem ferre queamus.

Si *SYNONYMIAM* spectemus, variis hic affectus gaudet nominibus. Dicitur enim Græcis, præter dicta, *κῦφσις*, *κῦβσις*, *κῦφωσις*, *κῦβωσις*, *κῦγγωσις*, Latinis *gibbus*, *gibber*, *gibbositas*, *gibberositas*, & qui hoc affectu laborant, vocantur gibbi vel gibberosi. Germanis *der Höcker* oder *der Buckel*. Et hæc de definitione nominali. Plura hæc de re scire si quis desiderat, Philologorum consulat oracula. Nos hæc vice de nomine non ulterius solliciti, progressum facimus sine ambagibus ad ipsam definitionem realem.

CAPUT II.

Definitionem explicans realem.

PRæcedente capite investigavimus Gibberis nomen, ejusdemque nominis significationem examinavimus, nunc ipsam quoque ejusdem definitionem producimus.

DEFINITUR autem Gibber, quod sit eminentia præter naturam, in dorso cumprimis, vel thorace, cum deformitate & motûs impedimentis, sine febre, dependens à spinæ dorfi luxatione vel contorsione.

GENUS est eminentia seu tumor, in hoc enim gibberis essentia & formalis ratio consistit, ut, sensu teste, id deprehendatur, in omni propriè dicto gibbo esse extuberantiam, etiam quando cavitatem extrinsecus videatur exhibere. Omne siquidem convexum corpus suâ gaudet cavitare.

Qui verò per contorsionem spinæ morbum hunc definiunt, causalem definitionem offerunt, neque nobis hinc contrariantur. Patet hinc vitium esse structuræ tum in conformatione, quoad figuram, quandoquidem quæ recta vel recti æmula debebat esse spina dorsalis, & in longum magis excurrere, incurvatur, & actionem naturalem in motu lædit, ac symptomatum diversorum causa existit; tum in compositione, situ & connexionem mutatâ.

DIFFERENTIAM SPECIFICAM constituunt reliqua definitionis verba, ut facilè *γενικὸν τὸ εἶναι* tumoris pateat; esse nimirum tumorem ob partes solidas sede suâ dimotas. Ut enim ossa loco suo excidentia partes ad quas contorquentur, intumescere faciunt, illo verò loco, ubi exciderunt, cavitatem efformant, quod luxationis nomine in scholis Medicis venit; ita ad hujus latitudinem etiam gibbus pertinet, & simili contento solido est conspicuus.

Limitatum id speciatim fuit ad dorsum & thoracem, tanquam partes ad hunc affectum recipiendum quam maxime convenientes. Reliquæ enim partes corporis, præter dorsum, non facilè & fermè in totum non sustinent gibbum, ut mox dicemus pluribus. Limitatum etiam ab adjunctis velut individuâ comitibus primariis, deformitate & motus impedimentis, aliisque verbis, ut iis conjunctim spectatis facilis oriatur distinctio ab aliis tumorum generibus in dorso evenientibus, siquidem partibus ejus musculosis, seu mollibus in genere, affectis enormes sæpe tumores, imò nonnunquam scirrhosos quoque & rebelles,

rebelles, ibidem oriri & gestari experientia rerum magistra loquitur.

CAPUT III.

Subiectum exhibet.

SEde morbi prius bene perspectâ atque perpensâ, felicius hinc sin ejus notitiam & curationem pervenire quemque posse, monet *Celsus l. 4. de re medic. c. 1.* Cujus monitum ut nos quoque sequamur, in gibberis subiectum seu partem affectâ jam inquiremus.

SUBJECTUM PRINCIPALE gibberis sunt vertebræ spinæ dorsalis, illas enim præcipuè affici sensu & ratione patet; **ADÆQUATUM** verò constituunt vicinæ & connexæ cum iisdem partes osseæ aliæ, thorax, sternum, costæ, scapulæ. Neque enim nisi gradibus læsionis & speciali loco differunt tumores circa scapulas, dorsum, humeros gibbosi. **REMOTIUS** subiectum est totum hinc corpus. Unde ossium horum consideratio, quomodo affici possint, multum ad investigationem causarum penitiorum faciet.

Certum enim est 1. effatum generale Hippocraticum, præcipuè huic parti conveniens, *l. de ossium naturâ c. 17. t. 1. § 2.* (qui de venis inedit. Linden. inscribitur) τὰ ὀστέα τῷ σώματι στασιν, καὶ ὀρθότητι, καὶ εἰδὲ παρῆχειν, τὰ δὲ νεῦρα κάμψιν καὶ ἔντασιν, ὅσα corpori stabilitatem, & rectitudinem, ac formam exhibere, nervos flexionem & contractionem ac extensionem.

2. Constat verò per Anatomicum, spinam non uno osse continuo gaudere, sed pluribus, quæ spondyli sive vertebræ audiunt, à vertendo dictæ, quod harum beneficio spina in omnia motus genera aptari & verti possit, flexendo corpus antrorsum, retrorsum, dextrorsum, sinistrorsum.

3. Vertebrae hasce sibi invicem superponi, foveantes in centro suo medullam à cerebro prolongatam, ut velut columna quædam sit, mobilis tamen, ut & conjunctis iis corporis sustineri moles queat, & iisdem conjunctim & æqualiter inflexis & curvatis motus peragi.

4. Ipsam

4. Ipsam spinam secundum longitudinem ἰσοκόλιον rect-obliquam, & in quatuor velut sectiones exprorectam esse: collum, dorsum, lumbos & os sacrum. Ex his verò dorsi vertebræ, quod anticâ parte thoracem constituit, frequentissimè, hinc lumbi afficiuntur cum primis & gibbum pariunt.

5. Ut motus flexionis & extensionis possit confici, γηγλυμῶσθαι ἕως σπονδύλων, copulari sibi invicem vertebrae per γηγλυμον & motum conspicuum edere; circumfusas cartilagine insigni utrisque extremis, quibus se excipiunt; connexas præter συγχόνδεωσιν nexu firmissimo per ligamenta & vincula crassa valida ac dura; implicari processibus, & præcipuè vinculum membranis validis intextum universam spinam extrinsecus obvolvere, à quo robur & firmitudinem acquirit. Connexæ sunt vertebræ (ut loquamur cum B. Rolfincio differt. anat. l. 2. c. 35. p. 378.) durâ extrinsecus membranâ: intus verò ligamento membranoso, duro & robusto, à summâ cervicis vertebrâ ad os sacrum producto. Elegans connexionis hujus exemplum per speciale membraneum vinculum, à supremâ contignatione spinæ protensum, curiosâ speculatione videri potest in halecibus, modò certa ἐγχείρησις adhibeatur, ut à carnibus separatum oculis pateat, ad cujus flexionem & spinam cratem curvari oportet. Id verò non nisi in coctis apparet. Neque obstat, non perfectum attribuere alios ossibus hisce γηγλυμον, quod non fiat hoc loco mutua duorum ossium insertio, sed moveri potius eadem per ἀρθρωδίαν. Sufficit enim concedendum omninò esse motum quendam & articulationem, ac eundem in finem & vertebrae sibi invicem incumbere, flecti aptas, & articulari earundem apophyses ascendentes & descendentes inter se.

6. Speciatim etiam vertebrae dorsi, sive thoracicas, costas excipere, firmare, & hinc inde ad vicinas partes nervos emittere, ubi vis annexas inflectentibus musculis.

7. Quà viscera spectant, vertebrae rotundas esse, cum substantiâ tenerâ magis & rarâ; extrorsum verò processibus eminere, per σύμφυτον connexis, & æquali positu rectitudinem

proportionatam servantibus. De quibus evolvi præter alios possunt *Archangel. Piccolhom. prælect. Anat. l. 8. lect. 8. p. 367. seqq. Rolfinc. l. c. c. 7. § 37.*

Ex hisce, ut alia mittamus, clarum esse potest, illi parti principaliter morbum esse assignandū, ubi læsio contigit, & consequens vitiosa conformatio. Fitq; id ipsum modò per essentiam, proprio & domestico vitio, quod frequentius est, modò per consensum aliunde morbo inducto, ita tamen, ut successu temporis essentialis labes fiat.

Ut ut verò sint, qui subiectum hoc latius extendere velint, & præter spinam dorsalem gibbum pati etiam alias partes extra hoc clima medium, uti *Severinus l. de recond. abscess. nat. manus & pedes quoq; huc refert*, cum hæ partes æquè distorqueri queant, adducitque exemplum in adolescente, quod videri potest *l. c. p. m. 342.* Propriè tamen loquendo reliquæ dictæ partes corporis sustinere quidem possunt luxationem perfectam vel imperfectam, curvitatem, eminentiam, ac gibbum non item, aliam enim habent conformationem, aliam articulationem. Gibbus ergò solùm competit spinæ & præcipuè quidem, quoad dorsum frequentissimè, cum annexis thoraci partibus, hinc & lumbos.

CAPUT IV.

Causam immediatam & mediatam proximiorē explicat.

Cum itaque plurimum referat causam nosse, & in morbis his conformationis ad oculum pateat, non cognitam eandem nec auferri posse, meritò ad hujus inquisitionem provehimur.

CAUSA IMMEDIATA est vertebrarum spinæ dorsalis luxatio, laxatio, subluxatio vel διαστροφὴ *distorsio*, seu *contorsio* nominata *Hippocrati l. de art. c. 45. t. 5. ut μεταστάσις τῶν πονδύλων Galeno l. 4. de loc. aff. c. 3.* quibus innuitur articulationem earundem esse læsam, συγχόνδρωσιν, συνδέσμων & σπασάρεων non pristino naturali deprehendi in statu, sed vel laxata vincula, quod in σελσὶ potissimum visitur, vel luxatos penitus verticillos. Hisce enim luxatis & non maturè repositis, statim aliqua eminentia, aliqua protuberantia conspicitur. No-

Notari verò meretur, luxationem hîc accipi paulò latius non pro dislocatione omninò perfectâ, violentâ, & simul ac semel contingente, quæ majorem vim causarum externarum sequitur, &, si vera sit, ob spinalis medullæ compressionem, præviâ communiter paralyfi nervos inde accipientium partium, & aliis symptomatibus, ut plurimum lethalis esse consuevit, vel aliâ facie saltim visenda; quâ de videri potest *Celsus l. 8. c. 14. p. 580.* sed imperfectâ, minus respectivè violentâ, & successivâ, unde è sede suâ sensim sensimque dimotis verticulis nutritiva & auctrix vis à limite suo aberrat.

CAUSARUM MEDIATARUM PROXIMIORUM vicem sustinent quæcunque ἑλκεῖν τὰ νεύρα καὶ σώματα *trahere vel distendere nervosa corpora* vertebrarum possunt, quas commodè in *externas & internas* dividere licet. INTERNÆ, quoad *essentiam*, sunt vel *vaporosa*, vel *humorosa*. Vapores quidem minus concurrunt, quod videantur debiliores ex ordine suo dimovendis vertebrais; si tamen impetum horum respiciamus, etiam suo loco aliquid conferre poterunt, exemplo illorum, qui juxta *6. aphor. 46.* ex tussi & asthmate gibbi evadunt, quatenus coactivâ expansione thoracis in anxîâ illâ respiratione etiam vertebrae in dispositis extrorsum coguntur cedere, successivè impressâ debilitatis notâ, licet magis videatur loqui aphorismus de asthmate & tussi, tubercula latitantia comitante.

Hinc si retento anhelitu comprimatur abdomen, sæpe manifestus hujus rei sensus in dorso se exerit.

HUMORES verò potissimam absolvunt paginam, si peccent, quoad *essentiam*, serosi cum primis, luxare & laxare præ reliquis apti nati. Quoad *essendi modum* verò considerati, si delinquant quantitate, qualitate, & motu.

Quantitate, partim in *excessu*, tum primariò interdû, tum secundariò & dispositivè, facilitantes dimotionem illam, si malè sint dispositi, si humores in articulis & juncturis acerventur, qui articulationis ipsius ligamenta primum madefaciunt, dein laxiora reddunt & tandem ob copiam suam os ipsum è sede suâ protrudunt; partim in *defectu*, si sufficiens humiditas desit, ipsaque liga-

menta velut magis nuda, minusque investita partibus carnosiss & adiposis contractioni facilius auscultent.

Qualitate peccant, si vel alimentarem blandam, roscidam & oleosam deponant naturam, & acidis vel alcalinis particulis scateant, unde aridius corpus confurgit, & tenerius, vel ichorescant conceptâ facili labe ab extravasatione, vel *σάος*.

Maximè ergò accusandus venit eorundem *motus*, tum generationis, tum localis. Generantur sæpe IN PARTE AFFECTA ipsâ per *συναθροισμὸν* seu congestionem paulatinam, inductam ob debilitatem nativam vel acquisitam, ob intemperiem humidiores, vel errores externos, unde non legitimè nutriuntur partes teneræ, molles, cartilaginossæ, nec debitam acquirere possunt consistentiam.

Idque ut paulatim magis fit, ita majori cum *ἐνέργεια* & impetu, si EXTRA LOCUM AFFECTUM generati vitiosi humores, seu latex vitiatus ad spinalem medullam ejusque vertebrae per *πνευματισμὸν* appellat, unde considerabimus partem mandantem, recipientem, vias & modum.

Partis mandantis vicem obtinet totum aliquando corpus, ob cacochymiam serosam, acetosam, nervisque & ossibus minus benignam, unde ut ex hoc fonte seri vitiati *παχύνει* sæpe confurgit; ita speciatim quoque hæc gibbum conjunctum frequenter habet. Plethoricos verò minus videas gibbosos, quod in iis torosiores muscoli minus læsionibus sint obnoxii. Interdum & viscerum *δυσπνογαστρίαι* concurrunt particulares, ventriculi, hepatis, lienis, cerebri, depuratione & cohobatione sanguinis minus ritè peractâ, unde promptus fit laticis decubitus, & spiritus animales minus vegeti in nervis decurrunt.

Pars recipiens est spina dorsalis, sustinendo corpori dicata. Cum ergò pars hæc sit spermatica, à sero incrementum sibi capiens, mollis naturâ suâ & frigidior, adeoque ibi jam tum glutinosus humor existat, si huic ipsi alius & quidem in excessu peccans superveniat, haud difficulter vitium & tuberculum aliquod excitari potest.

Vie sunt arteriæ advehendo, venæ & vasa lymphatica non recipiendo superfluum.

Modus fit ὡς καὶ ἔλξει. Pellit continuò spirituosì sanguinis & succedentium sibi undarum impetus; obice ergò posito, sive concepto calore pori magis rarefiant, seu dolore velut spina infigatur, *ταῖς* prompta est; verbo, circulatione sanguinis vel lymphæ impeditâ, hoc vel illo specialiloco, promptus affluxus & *πνεύματος* confurgit, hujusq; hinc effectus, tubercula seu abscessus. Sanè summi Medicorum proceres, *Hippocrates* & *Galenus*, binas has præcipuas & unas ferè causas gibberis laudant, quas verbis *Galenus* proferemus ex *6. aph. comm. 46.* ὑβῆται ῥαχίς, inquit, ὅτε μὲν καὶ Διὰ τινὰ πληγὴν ἢ κατὰ πῦλιν. ὑβῆται δὲ καὶ Διὰ τινὰ Φύματα σκληρὰ συσπέντα καὶ τὴν πρὸς τὴν χώραν. *Gibbositās spinæ fit aliquando propter ICTUM aut casum, fit etiam propter quedam TUBERCULA dura, quæ in parte anteriore consistunt.* Et paulò post asserit, omnes qui sponte seu citra externam aliquam causam, sine ictu vel casu, gibbosi fiunt, propter dura & concoqui difficilia tubercula tales fieri, *ὅτι Φύματα σκληρῆς ἢ δυσπρόσιτος ποιεῖται γίνεσθαι.* Quæ ipsa mens quoque est, imò verba eadem, divini senis *lib. de artic. c. 37. t. II.* nisi quod ἀπέπλων loco *δυσπρόσιτων* meminit, additque plerisque propter tales *συστροφάς*, *collectiones*, morbum fieri.

Quomodo verò à tuberculis hisce tractio, tensio & consequenter contorsio vertebrarum fiat, indeque modò introrsum, si unâ saltim parte resideant, modò extrorsum, si utrinque, modò laterorsum vertebrarum exturbatio contingat, pluribus *l. c. it. l. 4. c. 3. de loc. aff. & comm. 3. l. de artic. t. 2.* *Galenus* explanat elegantissimè, ibidem videndus. Suffecerit nobis, exemplo tumorum extrinsecus oculis occurrentium idem concipi & illustrari posse. Constat enim v. g. in colli tumoribus inflammatoriis, eâ, quâ residet malum parte, à tensione fibrarum inæquali & laterali magis inflecti caput & curvari velut ad latus, & si in oppositum reclinetur, dolorem mirum quantū augeri, quod hoc pacto major fiat tensio & consequenter dolor; ab æquali verò & majori in oppositum magis verti. Eadem ratio est, si tumor in ingvine confederit, aliisque locis, ubi flexura imprimis opus est. Tacemus exemplum mechanicum corporum flexibilium, bacil-

lorum recentium, & calamorum scriptoriorum, itidem *Galeno* & ex eo *Severino* laudatum. Ut in aliis quoque luxationum generibus, quando tendines & ligamenta extenduntur nimis, laxantur, flaccidiora evadunt, & hinc dimittunt ex acetabulo suo ossa; ita & in affectu hoc nostro plurimum ipsi ligamentorum & nervorum vitio adscribendum est. Factâ horum tensione, necessum est vertebrae etiam unâ nunc dextrorsum, nunc sinistrorsum, alias introrsum, alias extrorsum rapi, sicque suâ sede dimoveri & luxari. Et hâc ratione tubercula quicquid præstant, quod non exiguum sed plurimum est, præstant vitium affricando illis corporibus, quibus vertebrae alligantur.

Hinc cum molem superpositam ferre non sustineant vertebrae, non firmatae nec ferruminatae, uti prius, sensim fatiscunt, cedunt, & anomalias in figurâ patiuntur, dimotæ magis magisque è loco suo. Pro varietate ergo loci, ex quo dicto modo ligamentis & vertebriis dislocationis intentatur vitium, etiam modò hîc, modò illic, idque iterum variè, conspicuum concitat malum confectarium. Confer *Mayow. l. de rhachit. p. 124.*

Præter internas has proximiores etiam CAUSA EXTERNA consideranda venit, cujus vicem obire potest omne illud, quod corpus grave durumque quassat, allidit, percutit, qualia sunt ictus, casus violentus in scapulas vel coxas, nimiae compressiones, inflexio nimia & similes causæ violentæ. αἱ κυφώσεις αἱ ἐν τοῖσι πλάμασιν ὡς ὅτι τὸ πολὺ γίνονται, ἢ ἢ τοῖσιν ἰχθίοσιν ἐρείσῃ, ἢ ὅτι τὰς ὠμὸς πέσῃ. *Gibbositates ex casibus contingentes plerique fiunt, si aut in costas innitatur, ac impingat, aut in humeros cadat, inquit Cous l. c. c. 45. t. 2.* Quò pertinet etiam nutricum imprudentia, quando infantes fasciis nimis arctè aut inæqualiter constringunt, (quod *Hildanus* in multis observavit, ob strictiorem scil. involutionem gibbum infantibus frequenter accidere: siquidem ossa adhuc tenera, mollia, cerea quasi & cartilaginosa faciliè retorquentur, extraque sedem naturalem reprimuntur, quæ dein paulatim excrescentia indurescunt) aut in brachiis gestant prius, quàm spina tam firmata est, ut erecti sedere possint; aut si, dum infantes è cunis elevant, dorsum manu alterâ non ful-

ciunt. Huc referenda est & vestimentorum nimia constrictio & angustia, dum puellas stulæ matres junceo corpore esse student, tenellâ enim ista ætate mollia nimium & mucosa spinæ dorsif ligamenta eam recto & constanti casu continere nequeunt, sed sequacia nimium ejus vertebrae in interiorem, exteriorem aut lateralem partem proruere & projicere se facile permittunt.

Est & ex causis externis memoranda consuetudo, corpus quoquoeversum inflectendi atque inflexum continendi. Quemadmodum enim virgultis & viridibus lignis pondere pressis, assidueque contortis; ita & dorso nostri corporis curvitas accidit sub opificiis diversarum artium & sub institutis vitæ diversis. Ad hanc consuetudinem referendus videtur & indecorus juvenilium & mollium adhuc corporum situs & positus in stando, ambulando, saltando, gesticulando, aut simile quid agendo, de quibus omnibus plura legi merentur apud *Severin. l. c. c. 3. p. 327.*

CAPUT V.

Causas mediatas remotiores exponit.

PRædictis causarum generibus obstruuntur tum *γεννητικαί* seu antecedentes, tum *γενεαγενήκαι* seu occasionales, quas sub naturalium, nonnaturalium & præternaturalium notatione complectemur.

Ex NATURALIUM causarum censu est DISPOSITIO corporum, si non hæreditaria, tamen individualis, quâ alii præ aliis procliviores sunt ad hujus mali fomitem recipiendum, nam omne agens requirit patiens dispositum ad agentis energiam recipiendam.

Quoad DISPOSITIONEM HÆREDITARIAM, licet gibbus non sit morbus æquè feminalis propriè sic dictus, nihilominus tamen multum ad illum producendum conferre valet vitiosa in utero conformatio. Hæc autem facile contingere potest ibidem

dem vel interno humorum vitio à matre traductorum, tum quoque, ut colligere non ineptum aliquando est, ex situ foetus mutato, & exantlatis gravioribus in partu angustiis, præcipuè in primiparis. Hinc recte *Helmont. libro Retentæ inscripto p. 497.* Ad continentis morbos, ait, spectant quoque spontaneæ excrescentiæ, gibbositates, luxationes & exarthroses; Quæ quia innatam roboris inæqualitatem sequuntur, semini parentum plerumque vel nutricum defectibus acceptum ferunt.

TEMPERAMENTUM frigidum & humidum, ut & frigidum & siccum maximoperè ad hanc proclives reddit labem. Nec solum totius temperamentum corporis, sed etiam & quidem præcipuè reliquorum corporis nostri viscerum attendendum venit. Venter si non rectè dispositus, non rectè concoquit cibum, sed corrumpit, ex quo haud laudabilis fit sanguis, sed cruditatibus cumulatur corpus, quod vitium coctionis primæ non corrigitur in secundâ, multò minus in tertiâ. Cor si non benè sese habet, non bonus elaboratur sanguis, & mala fit nutritio, cor enim est primaria sanguinis officina.

ÆTAS unicè huc facit & præ aliis quadrat infantilis & puerilis 3. a. 26. Illa quidem, quando considerare incipiunt, σείων frequentius patitur, hinc & κύρτωσις, quale exemplum XVII. mensium infantis recenset *Theodos. ep. 42. p. 250.* & similia in praxi sæpe occurrunt; hæc quando jam ambulare coeperunt, anno cum primis quarto, quinto & sequentibus, donec ex ephebis exceßerint. Rarius paulò ultra septimum annum provecti gibbosi, ab internâ maximè causâ, redditæ observantur, vel saltem quò serius malum hinc impetit corpus, eò minus incrementum vitiat.

In primis verò id fit, si accedat HABITUS corporis gracilior & textura tenerior ac serosior, unde spina debilior, ex cartilaginibus magis quàm ossibus adhuc constans, pro sustentandâ capitis mole fulcrum minus firmum præbet, promptèque, si præsertim ictus vel casus superveniat, graviori oneri cedit, & rectitudinem suam non sine insigni costarum sternique contorsione amittit. Hinc *Hippocrates lib. de articul. c. 6.* carnosus minus contingere luxationes, scribit, & si fiant, difficilius restitui, contrarium verò

λεπτοτέροις καὶ ἀσθενετέροις, tenuioribus & magis excarnibus accidere.

Juvenilis verò, crescendi terminum supergressa, ut & media ac consistens ætas libera ab hoc malo ferè est, nec hujus insultum facilè experiri cogitur, si quidem de gibbositate propriè dictâ sermo sit. Talis enim incurvatio æqualis magis etiam in ætate senili & decrepitâ visitur, seu quod vires sint debiliores, unde imbecillitas corporis in genere multum huc confert, seu nimis exsiccata vincula & contracta, unde minus onus corporis sustinere norunt, quin spina nutet & incurvetur; hæc autem imbecillitas fit partim ex copiâ pravorum humorum, partim ex penuriâ succi alimentitii. Sin illud accidat, id magis extraordinariè & à causâ graviori fieri putandum est, uti exemplum de coquo recenset lib. 5. epidem. c. 22. §. 4. Hippocrates, de quo inferius agemus mox.

Quoad SEXUM, apprehendit hoc malum frequentius fœminas, & quidem magis urbanas præ ruricolis, quàm viros, fœminæ enim majorem præ viris habent mollitiem, teneritudinem & ferositatem, sive fœminæ ferosiores sunt viris, unde ipsarum corpora deprehenduntur laxiora, & citius adolescunt quàm viri.

Nec CAUSÆ NON NATURALES suis destituuntur viribus penitus ad gibbositatem juvandam & producendam.

AER, qui inevitabile & perpetuum corporis velut integumentum est, crebris suis mutationibus cum partium anni, tum ventorum vaporumque putridorum admistorum respectu, in alterando saltim sero maximarum est virium, idque tantò magis, quantò corpora sunt teneriora. Sic frigidus & humidus huc facit, quatenus calorem nativum obtundit, humoresque in corpore auget. Calidior verò æstivus, ob exsiccationem majorem.

CIBUS & POTUS si peccent substantiâ, quantitate & qualitate multum ad hujus affectus γένεσιν conferre queunt. Sic commune puerorum vitium ἀδδνηΨαγία corpus vitiosis replere succis apta nata est, inprimis si assumantur, quæ minus

laudabile præbent nutrimentum, sed tantum generant prævos humores, ut sunt lacticia, piscium largior esus, fructus quoque nimis frigidi & humidi, ὡπαῖοι, ut cerasa, pruna cerea, melones, cucumeres, fungi & similia terræ ulcera, aliaque pituitam cumulantia. Tacemus aquas crudiores, nivolas, usu suo continuato multum conferentes. Cerevisiæ minus defecata ex aquis palustribus & putridis cocta nec lupulo benè condita usus huc facit, vini item intempestivus usus tenellis corporibus infantum summè nocet, efferando humores & exsiccando nimis.

MORUS summa vis est ad distorquenda ossa tenella, quocunque demum modo excedat, sive tendatur nimis corpus, seu contrahatur, seu tensum & contractum teneatur, unde ligamenta articulorum facilè fatiscunt, & ex ordine dimoventur.

Nec **QUIES** omninò culpâ vacat, cum videamus etiam adultos sedendo & incurvando dorsum hinc positum corporis obstipum reportare. Multo magis in infantibus id valet, quando erecto corpore superiori immaturè desidere coguntur, plusque ipsis, ut solet, virium tribuitur, quàm sustinere corpus queat.

Par ratio est **SOMNI & VIGILIARUM** in accumulandis vel dissipandis humoribus. **EXCRETA & RETENTA** magni etiam sunt momenti non solum quando crassiora excrementa per alvum & urinam reddenda resistant, unde vitiosi humores cumulantur, & exinde semina pro morbo hoc excludendo sparguntur in reliquum corpus; verum etiam & potissimum tenuia per habitum corporis exhalari solita. Hinc retentis humoribus & transpiratione prohibita facillimè febres & tubercula interna enasci solent. Sin nimis sudoribus fatigentur succossa corpora, & depauperetur serum alimentarium ultra sphaeram ætatis, tum nutrimenti tum augmenti defectus oboriuntur necessariò.

Tandem **ANIMI PATHEMATATA** ad hunc affectum producendum suâ etiam non carent virtute, quo loco saltim memorabimus iram, si, contra *Apostoli* monitum, irritentur ad excandescentiam infantes & pueri, atque inde in inconditos ploratus,

tus, cum pectoris singultuosâ quasi concussione, adigantur, facile noxâ ad ossium & ligamentorum stimulum redundante.

Nec CAUSÆ PRÆTERNATURALES silentio sunt prætereundæ. Intemperies & humida & sicca hîc occurrit accusanda; illa quatenus ligamenta vertebrarum laxat, distendit & tandem è suo loco dimovet; hæc, quatenus ariditate vincula vertebrarum spinæ in anteriora protrahuntur, sicut in ardente potissimum febre visitur.

Pertinet huc exemplum ab Hippocrate visum, l. c. τὸ μέγιστον, inquit, ἐν ἀκρίβει τὸ κύφωμα ἐκ φρενίτιδος ἐγένετο. Coquo in spina gibbositas facta est ex phrenitide.

Quod angina ad gibbum facere possit, legi meretur Cous l. 2. epid. f. 2. t. 66. seqq. quod dolores, idem l. de artic. c. 45. t. 1. Gibbositatem ex longo ventris dolore observavit Epiph. Ferdinand. hist. 84. p. 279. seu ob conjunctam frequentem, longam & diurnam ventris compressionem, & consequentem vertebrarum dimotionem, sive decubitus humorum ad spinam, uti notum est πόνος aliàs ex colicâ non rarò oboriri, & tantò quidem magis, quia tumore hoc apparente dolor evanuit.

A palpitatione cordis costas è suo loco motas esse post Fernellium l. 5. pathol. c. 12. observavit Horstius l. 3. obs. 17. p. 139.

Ex dysenteria prægressâ gibbum factum in puello quinque annorum notavit D. D. Præses, ubi gravissimo malo succis vitalibus depauperatis cutis vix ossibus hæsit, & hinc vertebræ ex sede suâ sensim excreverunt. De aliis externis injuriis jam satis diximus superius, hæc verò frequentissima sunt causa.

Si RES SUPERNATURALES addere lubeat, certum est, per veneficia quoque & incantationes ut contracturas & convulsiones horrendas, ita quoque gibbos oboriri posse. Neque opus fuerit immediato damno, satis est per diabolicas artes casus, ictusque in partes osseas hæc & consequenter gibbum concitari posse. Aliàs verò ope Diaboli in αὐτοχέισις talia contingere luxationum stupenda exempla notum est, & tale refert Hilarius Centur. 5. Observat. 68. pag. 458.

CAPUT VI.

Differentias perpendit.

Cognitis nunc causis, differentias ut proponamus, ordo postulat. Præter differentias itaque gibberis essentielles, quas repetere denuò non opus est, alias quoque considerare operæ pretium fuerit, quandoquidem hæ & diagnosin & prognosin, adeoque ipsam quoque curationem limitant & modificant.

Ratione **GENERIS**, alius gibbus est major, alius minor, unde & minor vel major deformitas; alius in acutum magis, alius in orbem magis versis vertebris.

Refertur huc, & nominatim ad *σείων*, etiam à *Sennerto l. 2. p. 2. prax. c. 21. p. 294.* affectus, quem Germani das *Weythun* appellant, à tensione membranarum & ligamentorum circa vertebrae in eodem ordu.

Ratione **SUBJECTI**, gibbus alius est in cervice, alius in thorace; alius supra, alius infra septum; alius in lumbis. Quemadmodum enim vertebræ sunt inter se distinctæ pro vario situ, quem in spina obtinent; ita gibbositas, quæ vertebrarum spinæ vitium est, quoque variat, pro earundem inductâ læsione, unde & diversitas symptomatum, quæ singulæ secum invehunt.

Ratione **CAUSARUM** tot sunt differentiæ, quot causæ, ex recensitis petendæ. Alius fit à causâ internâ, alius ab externâ; alius à repletionem, alius ab inanitionem; alius ex intemperie frigidâ & humidâ, alius ex intemperie calidâ & siccâ. Alius ab humorum influxu citiori, & inflammationem; alius à congestione; alius cum fracturâ, cum ulcere, alius sine his.

His omnibus missis, advertimus vertebrae interius rarissimè, exterius frequentissimè, ad latus verò frequenter obliquari.

CAPUT VII.

Signa diagnostica proponit.

Sillis in morbis diagnosi opus est, sanè in gibbosis quàm maxime id valet; adeoque & hic, quæ *Coi* verba sunt, solus
is,

is, qui signorum horum cognitionem habuerit, ritè curationem aggreditur.

Duplicia verò SIGNA DIAGNOSTICA sunt RATIONE GENERIS, alia *imminentis*, alia *præsentis*. Indicia incipientis gibbositatis, verba sunt *Rolfinc. epit. affect. part. l. 4. c. 2. pag. 350.* adeò interdum latent musculosis in spatiis occultata, ut etiam peritos fugiant. Augescens omnium exposita est oculis. Illa verò metuere oportet, quando ex jam dicendis minori gradu se *Φαινόμενα* exhibeant.

Spectabimus ergò ordine fontes consuetos, ut demonstrativè hinc concludere liceat, gibbum adesse, vel non.

EX ESSENTIALITER INHÆRENTIBUS, quæ quidem hoc in casu ipsos in sensus incurrunt, vitium adest in situ, in figurâ, & rectitudine, cum magnitudine auctâ, quoad locum affectum, ita ut non instar carinæ in navi decurrat, & *ὀρθότητι* ac *στάσι* præbeat spina dorsalis, sed modò extuberent ante & retrò vertebrae, ut in gibbere propriè dicto, modò velut excavato dorso intrò spectent, ut in *λοφώσσει*, modò sinuentur in latus, modò viminis in modum incurventur universæ, ut in reliquis speciebus. Juxtim verò reliquæ quoque partes figuram vitiatam exhibent, sternum magis acuminatur, scapulæ, costæ magis protuberant, prout varia præcessit læsio, caput thoraci arctius insidet, breviori collo.

EX ESSENTIALITER CONSEQUENTIBUS symptomata gibbum patefaciunt varii generis; in *actionibus læsis animalibus* cum primis motus imminutio evidens fit. Neque enim *ὀρθοστάδιοι* stricto sensu esse possunt, stare diu nequeunt, neque sedere, nisi corpus vel mentum fulciatur manu, donec confirmato vitio aliud consuetudo & adultior ætas induxerint. Inflecti dorsum renuit versus inferiora, ut si terram contingere manu velint demissis poplitibus id facere cogantur. In sternutando molestiam sentiunt, magis ob angustiam concussis partibus. In *vitalibus* pulsus celerior, respiratio difficilis, defluxiones frequentes, asthma & tussis succedunt, idque tantò magis, quò magis angustatur spatium thoracis, & vice versâ. Cum enim in thorace cor & pulmo resideant, horum actiones potissimum lædi necessum est. Variant

ergò hæc ratione loci, seu partis affectæ specialis, si enim infra septum transversum malum contingat, minus hæc observantur. In *naturalibus actionibus* nutritio & auctio mirum quantum fatiscunt, corporis succedit macies & incrementi penuria, ut ad solitam proceritatem non extendatur corpus æqualiter, neque incrementum sumant unà carnes. Haurire hæc latius ex fontibus Hippocraticis operæ pretium est, ex quibus quippe alii ferè hæc sua fecêre. Quibus, *inquit divinus senex*, gibba fit spina, dum pueri sunt, prius, quàm corpus ad augmentum plenum perfectum fuerit, his corpus juxta spinam *ἐν δὲ ἄλλοις* coaugeri non amat, sed crura quidem ac manus perficiuntur, illæ verò partes defectuosiores fiunt. Et quibus supra septum transversum gibbositas est, his & costæ in amplitudine augeri non solent, sed in anteriorem partem, & pectus acutum fit, sed non latum, ipsique & difficulter spirant & stridulam faucium asperitatem habent. *l. de artic. c. 37. t. 4. seqq.* Causæ maciei potissimum debentur cum rectitudini vitiata, unde in latum magis quàm in longum fit extensio; tum ferro nutritibili magis rarefacto. Aliæ videri possunt apud *Helmont. l. vita brevis p. 588. Barthol. de lact. thorac. c. 14. p. 107.*

Notatu dignum verò est & hoc phænomenon peculiare in gibbosis, quoad thoracem occurrens, quod nempe abdomen superiori parte circa epigastrium contrahatur, & cincturam quasi patiat, durante expirationis actu, quod sine dubio contingit ob diaphragmatis vitiatum unum situm & tractionem. Constat enim per Anatomen, testante *Galeno l. 4. de loc. aff. c. 3.* septi transversi nervos sub quartâ ac quintâ vertebrâ emergere. His igitur patientibus necessario motus hujus, uti decet, expediri non potest, sed magis versus superiora trahitur, unde non solâ angustationis culpâ libera spiratio impeditur, verùm etiam plurimum, ut ad respirationem aliâs, confert diaphragmatis consensus hic, ut & musculorum pectoralium & intercostalium ipsorum.

Quandoque & paralyxis succedit, sed rarius, quale exemplum notavit *D.D. Preses Ann. 2. Ephemer. Germ. observ. 230. p. 333. & Hildan. cent. 5. obs. 7.* eâ tamen differentiâ, quod posteriori casu dolor

dolor & affluxus præcesserint, à cujus decubitu & μεταστάσι successit crurum resolutio; in priori non item. Licet enim non subitanea æquè vertebrarum dislocatio in gibbere fiat, ipsa tamen paulatim hæc & pedetentim facta nonnunquam obstructions pororum nerveorum causari potest.

In excretis sæpe tentantur hæmorrhagiâ narium, quod & angustiori spatio decurrere cogatur sanguis, & ob respirationem difficiliorem moveatur velocius, unde quocunque errore externo, vel aliunde rarefactione majori inductâ, promptè stillant nares, illic exitum affectante sanguine.

CAUSÆ PRÆGRESSÆ quoque patefaciunt affectum, siue externæ, si præcesserit ictus, lapsus, contorsio violenta, vel alia injuria evidens; siue internæ, quando nil tale deprehendi potest, dolores, pectoris angustia, febris & similia.

Hæc ipsa etiam ad SIGNA CAUSARUM lustranda faciunt. Si læsæ fuerint æqualiter magis vertebrae, quoad ἀρμονίαν, per quam sibi connectuntur secundum corpora, mediante cartilagine non paucâ, fit σείσις, seu incurvatio æqualis; si versus interiora fiat extensio, fit λόρδωσις; si versus exteriora, quâ processus, ubi per σύμφυσιν fit connexio, fit gibbus, & κύρτωσις κατ' ἐξοχήν dicta. Par ratio est costarum, scapularum, versus exteriora protensarum; sin ad alterutrum latus, σκολίωσις.

NEC SIMILITUDO abludit, sed hæc omnia confirmat magis, siue ægri spina cum alterius sani hominis comparetur, siue ad priorem sanum statum ipsiusmet cogitatione recuratur.

SIGNA SUBJECTI specialis ex visu & sensu patent. Si superiori parte malum hæreat, caput humeris velut contiguum, cervix & collum brevius deprehenduntur, humeri non depressi, sed velut alati; in inferiori non item.

CAPUT VIII.

De Signis prognosticis.

In morbis etiam externis hisce multum interest, ut munimentum famæ Medici prognosis observetur, ne vel temerario promisso

misso desperato malo promittatur salus, vel prognostico relinquatur, cui adhuc mederilicuerit.

EVENTUS prædictionem quod concernit, illa in SALUTIS & MORTIS, curationis item possibilis vel impossibilis signa concinnè dividi potest. Quoad *priorem* quidem distingvendum meritò & hoc loco est inter luxationem perfectam ac repentinam, quæ à solo casu externo graviori accidere potest; & imperfectam, successivam, propulsoriam. Illa ut vel lethalis est, vel satis gravis; quando scil. angulosa fit spinalis medullæ luxatio, cum non paulatim sed affatim, perinde ac si frangeretur, pars aliqua curvatur, subjectas partes omnes lædi necesse est; paulatim verò factâ luxatione atque in orbem magis, nihil notatu dignum patiuntur partes, teste *Galeno l. 4. de loc. affect. c. 3.* Ita secundariò magis huc spectat. In gibbere verò videnda in se lethalis minus est, licet satis molesta, nam juxta *Hippocratem l. c. de artic. c. 45. t. 5.* spinalis medulla ejusmodi distorsiones facillè fert, eò quod circularis ipsi distorsio contingit, non angularis, sive in acutum.

Id ipsum tamen quoque intelligendum est de violentâ magis in angularem seu acutam figuram propulsione. Dari enim casus possunt, ubi, citra illam prægressam, id minus periculum infert. Ita ferulis teretibus, ligneis, cavis itidem spinam lumborum in acutum gibbum unâ aut alterâ vertebrâ prominentem in infantibus quinque, sex, septem mensium, quod sæpe contingit, aliquoties correxit *B. Rolfincius l. 4. epit. affect. part. c. 2. p. 381.*

Quoad *posteriolem*, ratione ESSENTIALITER INHÆRENTIUM, λόγδωσις omnium difficillimè curatur, imò ferè incurabilis est, ob inaccessam opem medicam, ut extrudi possint & exporrigi vertebræ. Post hanc κῦϕωσις à casu non facillè etiam cedere consuevit, nisi læsio fuerit levior & recens. σκολίωσις verò & σείσις cum primis facilius ferè auscultant medicæ artū. Omnibus verò commune est, quod non nisi recenti malo & imminente, nondum facto & confirmato, eoq; minori & in corpore adhuc molliori, cereo & succulento, ubi flexilis adhuc spina commo-

dius tractari & pro lubitu decenter flecti potest, æquè curabile sit malum; sed satis grave, tantoque gravius, quò magis à statu naturali, & ἐν φασίᾳ naturæ facta est mutatio.

Quò magis itaque æqualis fuerit & pluribus vertebrae communis distensio, eò levius & facilius curatu est malum judicandum, & contra. In lumbis si extiterit prominentia, facilius curatu est, imò quò magis versus inferiora declinat, eò etiam promptius cedit; quò magis versus superiora pectoris, eò difficilius, tum ob alias causas, tum quod ibidem commodior & constanter fieri potest deligatio & compressio, hinc verò minus.

In ESSENTIALITER CONSEQUENTIBUS, quò facilius fertur malum in respiratione, motu, incremento aliisque; eò etiam mitius est, & contra. Intuitu CAUSARUM, si malum fuerit hæreditariū, diu duraverit, & callum jam contraxerit, desperatum est. Ab externâ exortus gibbus curationem magis admittit, tanquam magis evidente & obviâ; non item ab internâ, nisi maturè obviæ eatur, per discutientia & roborantia.

Quoad TEMPUS EVENTUS seu longitudinem & brevitatē, variat id ipsum pro læsionis gravitate, pectoris angustia majori vel minori, adeoque tolerantia & respiratione facili vel difficili. Hinc assertum Hippocraticum 6. aphorism. 46: Qui gibbi ex asthmate aut tussi ante pubertatem fiunt, moriuntur; non alio quàm hoc intuitu videtur intelligendum, quatenus producta sunt hæc duo à tuberculis latitantibus, eò progressis, ut suppurentur, & in bronchia pulmonum effundantur, unde vel suffocationem, vel phthisin post se trahunt, utramvis vitæ insidiantem maturè, idque ut plurimum. Confer Galenum in Comment. Neque opus est, quod Severinus contendit, ut in græco textu loco ἐξ legatur ἐξω, cum, quod sciamus, unanimis sit illa lectio.

Et sanè anni pubertatis de salute & morte in posterum definiunt ferè prognosin in gibbosis, quandoquidem vel incrementum tunc aliquod capiunt mutatione illâ solenni ætatis, quod eò usque dilatum fuerat, ut hinc ætatem reliquam facilius assequantur; vel sensim ad mortem fit transitus, exacerbatis symptomatibus. Hinc diuturnum est malum gibbus, ad plures annos du-

ἔτους & συναποθνήσκων, ita tamen, ut, præter dicta, etiam ἐυφρόως καὶ ὑγιενῶς, facile ac sanorum more degant maximè illi, quibus ad carnositatem ac pinguedinem promotum fuerit corpus. Pauci verò talium sexaginta annos superarunt, plerumque brevioris vitæ, teste *Coo l. de artic. c. 38. t. 5.*

Quin & omnis quæ sperari potest curatio, si σῆσιν exceperis in parvulis, lento & paulatino ferè gressu fit, non citâ manu.

MODUS EVENTUS ad salutem fit repositione vel perfectâ, vel quasi tali, ut saltem tolerabilius sit malum & ad naturalem modum magis pertingens, cavendo hoc ipso, ne nimis excre-
scat, majoremque deformitatem acquirat. Inferiorem finitam in nonnullis dysenteriâ & varicibus memorat *Hippocrates l. c. c. 37. t. 4.* Ad mortem suffocatione, asthma, phthisi, omnibus ferè pulmonum morbis expositis hisce ægris, nonnunquam & apoplexiâ, quod *D. D. Præsidi* visum est in juvene, terminari consuevit.

CAPUT IX.

Curationem in Genere cum methodo medendi & indicationibus delineat.

CUM Gibbus ex illorum morborum censu sit, ubi natura cedit arti, ejusque opem & auxiliares manus unicè exposcit, ad CURATIONEM devolvimur. Absolvitur hæc ipsa, ex MEDENDI METHODI regulis, indicationibus, morbis figuræ & situs aliis communibus, & indicatis seu materiis præsidiorum huic fini aptatis.

CURATORIA morbum ipsum respicit per repositionem, adæquationem & complanationem partis affectæ eminentis, ut figura naturali conformis, quantum omninò possibile est, confurgat, quorsum solitæ illæ luxatorum indicationes subordinatæ, extensio, repositio, deligatio & collocatio spectant. Ut enim videmus in vegetabilium genere, quæ curvitatem crescendo affectant, factâ ad rectos comites deligatione, inflexione blandâ vi-

tium

tium corrigi; ita etiam in corpore se res habet. Totum enim & præcipuum artificium curandi gibbi in hoc consistit, ut extuberantia vertebrarum reprimatur retrorsum, seu in locum pristinum, alioquin omnia frustra tentantur.

PRÆSERVATORIA causas vel internas affluxu suo malum foventes, vel externas, morbum deteriore indies reddentes, removet, & reposita firmare jubet.

VITALIS denique viribus subvenit, & symptomatibus urgentibus, atrophix, respirationi difficili & aliis occurrit.

MATERIÆ PRÆSIDIORUM ex Chirurgico, Pharmaceutico, & Diætetico fontibus desumuntur.

CAPUT X.

Fontem aperit Chirurgicum.

MAXIMA spes in CHIRURGIA sita est, quæ sola suppetias & genuinum juvamen ferre apta est, vel primariò saltem, reliquis ministrantibus, tum reverà, tum palliativè, prout conditio obvenientis mali variat. Cum ergò ἀεθρευσόλω, seu reductione vertebrarum læsarum & contortarum in suum locum, opus sit, triplex etiam hîc modus usitatus locum obtinet: palæstrites, methodicus, & organicus, pro apparatu scilicet minori vel majori ita dictus, pro ratione subjectorum, malique majoris vel minoris accommodando.

Primus, PALÆSTRITES dictus, præ aliis est εὐπρόσθετος, solâ manûs COMPRESSIONE, vel EXTENSIONE propriè dictâ instituendus. Illa in tubere ipso & in plerisque gibbi speciebus, hæc in vicinis quoque locum habet; in λοξῶσσι item & luxatione recenti leviori & graviori. Extensio hæc, quorsum & conjuncta concussio pertinet, maturè facienda, quod unice proficit, in locum reducendis quoquo modo vertebris. Solent id & vulgò frequenter cum successu instituere in quassatione aliqua vertebrarum, de quo consuli potest *Sennertus l.c.* qui modum vulgi describit, licet ad superstitionem sæpe & accusetur illa & curetur, præsertim in infantibus. Cum verò rarò statim

in ipso principio factæ læsionis extrinsecæ advocetur Medicus, ubi extensio primariò instituenda fuerit; factâ jam extuberantiâ, compressio in ejus locum cedit. Τα μὲν γὰρ ἐξέτεῶντα, ἐς τὴν χώραν ἀναγκάζει καὶ ἡ ἰππῶσις ἵεναι, *nam ea, quæ extant, ad locum suum redire cogit depressio.*

Modus nempe hic est: fotâ prius parte affectâ vel solo vino calefacto, vel cum nervinis mixto, ut cedere facilius & emolliiri partes ligamentosæ queant, sinistrâ manu sterno appositâ, dextrâ, interjecto linteamine, vel in pugnum conformatâ fit intrusio, continuo velut semicirculo per motum ejus facto, vel, quod *Hippocrates l. c. c. 45.* vult, impositâ manus volâ supra gibbum, & alterâ manu insuper alteri superimpositâ deorsum cogitur, habitâ ratione loci affecti & status p. n. diversi.

Et hæc coactio maximè innoxia & tuta est, cui affinis & altera, cujus meminere etiam laudati medicinæ proceres, quando infidere vel pede inambulare gibbo jubent, quod tamen minus ferè usitatum est. Inde verò emplastris, unguentis, fotibus subjunctis, & ex fonte pharmaceutico repetendis, deligatio instituitur, quò magis magisque & intrò adigatur tumor, ut decet, & firmentur repositæ partes. Tali usus est *Epiphan. Ferdinand. hist. §4. p. 280. seqq.*

Ministrant hinc deligationi fasciæ, splenia & alia, in situ suo detinentia vertebrae affectas, adminicula. Et convenit maximè hæc operatio in tenellis & aliis personis, solaque ferè sufficit in σείσθ, hinc & in reliquis, si cœtera consentiant; Præcipuè verò in lumbis, ubi fortius comprimere licet. Utiliter adhibetur eadem in σκολιώςθ, in scapulæ & aliis lateralibus eminentiis, in sterni acuminatione ipsâ, redigens in ordinem thoracem.

In cervicis verò gibbere & λορδώςθ extensio magis administranda, quæ ipsa & conjuncta concussio etiam in reliquis in principio statim, recenti adhuc malo, spem restitutionis in integrum facit.

Alter METHODICUS modus eidem fini dicatus, sed mediis diversis, locum habet magis pro successivâ impulsione. Referemus huc primò FERULAS, quas teretes, cavas seu imbricatæ

catas adhibere consultum est, seu ligneas, quales *l. c. B. Rolfincius* utiliter adhibuit, seu æneas, quæ in *σκολιώς* sub axillis commodè gestantur, erigentes corpus & rectum tenentes. Sufficiunt illæ solâ cum deligatione in climate lumbari, cui paria faciunt etiam alibi, æquè ac ferulæ pro re natâ applicandæ, laminæ ferreæ plumbeæ, itidem imbricatæ, magnitudini gibbi conformatæ, aliaque splendorum in modum compressioni velificantia. Sic M. Antoninus Imperator, cum esset longus & senex, adeoque exactâ ætate nimiam ob proceritatem incurvesceret, tiliaceis tabulis infasciabatur, ut rectus incederet, quod refert *Julius Capitolinus in ejus vitâ*. Vid. etiam *Scaliger lib. 1. de plantis p. 286.* qui thoracem, ait, tiliaceis asculis illum corrigere solitum, potius quàm aliis, propterea quod calore suo foverent senem. Ipse tamen non tam ob calorem expetitam ad Imperatoris fomentum tiliam addit, quàm quod mediocris est inter rigiditatem ac lentitudinem. Valet id quoque in *λογδώς* cumprimis ipsâ.

Deinde in dorsali & thoracis regione eximius est THORAX, seu *coriaceus* uti ex cute humanâ, præcipuè ejus parte crassissimâ in dorso gestatum costas à gibbo distortas intra limites fidelissimè coercere asserit *Rolfinc. l. c. p. 381.* Seu *lineus*, firmus tamen & ossibus seu setis balenarum interstinctus, ut firmetur rectitudo & erectum teneatur corpus; seu *ferreus* quoque, sive posticâ parte firmandus, si anticâ compressio magis requiratur, seu anticâ, si contrâ. Singuli hi iterum vel minoris vel majoris sunt apparatus, qui posteriores ad tertium magis modum referendi.

Notabile tamen est: 1. thoracem talismodi magis convenire emollitis prius cartilaginibus & ligamentis;

2. Obduci posse commodè corio, & leviores cum sint laminæ, per se gestari, vel quoque, quò leviores sint & perspirabiles magis, multis & crebris foraminulis pertusæ, corpori aptæ;

3. Continuandum esse usum thoracis hujus per benè multum tempus, donec imbecillitas membrorum & mollities plenariè cessaverit;

4. Pro corporis incrementis & mali remittentis modulo novum fabricari & aptari posse, exactis aliquot mensibus;

5. Constrictione interim probè factâ, ad ἐνφθερίαν tamen, & junctio, si opus fuerit, pro extensione cervicis, in thorace posticè firmato, capitis elevatorio, gradibus additis, pro majori vel minori intensioe vel remissione variandis.

6. Thoraces hi in iis magis usum habent, qui incrementi adhuc magis sunt compotes, qui enim incrementi sui modum, maximam partem acquisiverunt, minus ab iis ipsis quoque juvantur, nisi forsan, ut firmetur magis debilior ossium crates, suadendi illi & tunc videantur. Confer *Hildan. cent. 5. observ. 67. pag. 458. Paræum l. 22. c. 8.* qui thoraces tales depingit, & alios.

Pertinet huc quoque ὀπλομόχλιον *Fabritii ab Aquapendente*, cujus icon anticâ & posticâ parte videnda in operibus ejusdem depicta visitur. Consulendus etiam seorsim *idem pag. 187. operat. chirurg.*

Porro huc etiam pertinet SUSPENSIO artificialis, quando firmatum sub axillis corpus, capite sub mento seorsim fasciâ excepto, ansisq; geminis aptatis manibus, libero in aëre libratur agiturve corpus pendulum, unâ alteraque horâ de die, ut hoc pacto pondere suomet extendat & exporrigat curvaturam, id quod non minus, ac reliqua plura, cum primis succedit ex voto quando inferius paulò declinat gibbus, non æquè quando superiori loco residet. Meminit hujus etiam *Mayow. l. c. p. 148.* Cujus succedaneum est, si capite manibus utrinque prehenso sustollatur corpus per vices.

Tertius denique MECHANICUS compressionem extensionemq; expetitam absolvit, vel intendit potius, scalarum, scamnorum, torcularium comprimentium & laqueorum beneficio, de quibus *Hippocrates, Galenus, Oribasius* aliique legi possunt. Memorandum hic quoque est instrumentum mechanicum, quo aurigæ utuntur ad attollendas rotas & ponderosiora, cujus mediante impulsu gibbositatem curatam refert *River. obs. commun. p. 668.*

Genuinum tamen & probè attendendum monitum est Hippocraticum aureo libro de articul. c. 39. t. 1. parum sæpè his effici extensionibus, adde & compressionibus, quin sæpe optimum remedium est, graviori malo & frustra tentatis reliquis, remedio

non

non uti, nisi nempe in principio statim adhibeantur, prius quam callo obducto, vel ossibus etiam coalitis penitus, malum desperatum sit. Ita luxationem ipsam vertebrarum dorsi introrsum factam hoc modo curatam legere licet *Ann. 4. Ephemer. Germ. obs. 77. p. 64.*

Pertinet huc extremum illud spinæ reponendæ, in λορδῶσι puta, remedium, quod præviis incisionibus manu in ventrem injectâ perficitur, ex internâ parte ad externam manu factâ retrusione, quod mirum est *Hildanum*, tam insignem Chirurgum, *centur. 5. observ. 69. p. 460.* admittere & commendare, imò tenacula manus loco adhibere velle, quod latius ibidem videri potest, cum tamen *divinus Senex l. c. c. 43. t. 6.* id in mortuo quidem fieri posse, in vivo autem non item, expressis verbis edixerit. Quin visus fuit aliquando abscessus in dorso ortus, spontaneo naturæ conatu, citra tamen mali ablationem.

Hæc verò proposita hætenus ut propria quasi sunt parti hîc affectæ; ita communia præsidia chirurgica huc arcessi quoque possunt, si eadem indicata ex usu esse videantur, quod tamen rarius paulò fit. Ita VENÆSECTIO non habet locum, nisi forsân lapsu vel ictu graviore facto statim in principio ad revulsionem.

Sin affluxus feri major & copiosior ad spinam dorsalem fiat, consentientibus reliquis, cauterium potentiale vel fonticulus admoveri potest, quale exemplum recenset *Poterius cent. 2. observ. c. 38. p. 136.*

CAPUT XI.

Ex fonte pharmaceutico remedia proponit.

Cum Chirurgia ipsa ex fonte pharmaceutico sibi mutuatur remedia, etiam ad gibberis curationem, tum ipsa PHARMACIA non minimum de suo addit momentum, potissimum si ab internâ causâ ortum suum trahat, si cacochymia conjuncta eundem foveat, si laticis vitium sit extantius, quæ præsidia ordine brevi videbimus.

Ex

Ex UNIVERSALIUM penu LENIENTIA serosiores & laxiores habitus corporis, eductis è primis viis quicquillis, omninò respiciunt, ipsaque pro re natâ propriè dicta PURGANTIA. Notum quippe est, non solum optimè ferre purgantia infantes, contra ac nonnullis visum est; verum etiam non minus ac alias ætates admittere, imò opus habere iisdem, & indicare, siquidem ob *αὐτὴν φύσιν* faciliè cumulant recrementa, & corpus infarciendo vitia in nutritione & auctione accersunt. Tacemus maturè sese exerere salium scorbuticorum vel hæreditariam labem, unde expurgari postulant corpora nonnunquam, & ut præserventur à morbis, & ut facilius curentur gibberis fientis vitia.

Notabile quin etiam est, in abscessibus internis latitantibus sæpenuerò purgantium insignem fuisse virtutem observatam. Cavendum solum, ne hypercatharsin patiantur tenella corpora, & hinc exhausto & depauperato nutritio succo nutare occipiant corporis sustentacula, partes ossæ, robur omne suum à spinâ dorsi velut basi quâdam derivantes.

Hunc in finem dari possunt seligenda & individuis aptanda purgantia ex *gialapâ*, *methoacannâ albâ*, *mannâ*, *rhabarbaro*, *aloe*, *senâ Alex.* & ex in præparatis, *sir. ros. solut. de cich. c. rhab. elect. lenit. resin. scammon.* aliisque abundè notis.

Præter hæc, ut potiora saltim libemus, plurimum opis situm est in usu DIAPHORETICORUM. Cum enim hæc ipsa omnem *σάρον* seri & sanguinis, ubi ubi fientem & factam, disjiciant, affluxum arceant, & circulum humorum vitalium in ordinem redigant, merito suo à *Severino l. c. c. 4 p. 351.* habentur præcipuum & primarium ad morbi hujus causas aut eximendas & minuendas. Laudari hunc in finem merentur $\frac{1}{2}$ *diaph. C.C. phil. bez. Al. cachect. ens* ♀ *is Boylei*, seu *flor. ☉ *ci ☽ti*, seu ex terrâ ☽ *li dulci* ☿ *mati, M.S. ~ ☿ri, Ra bez.* Exterius verò æstuarialia, balnea laconica, tepidaria, thermæ, ad tolerantiam habitus corporis, ætatis, naturæ instituenda.

Par ratio est DIURETICORUM, quæ aperiendi & resolvendi virtute serum superfluum partim imminuunt, partim in ordinem cogunt, ex *succin. alb. ppt. magist. oc. ☿*, *arcan. duplic.* cujus

cujus insignis vis in atrophîâ ab obstructione glandularum mesentericarum, si à martialibus abierimus, accuratioribus practicis dudum notata est; *arcano* ♀ri & similibus.

ALTERANTIA specifica interna licet non adeò prostant, vel ad gibberis curationem venditentur; summo tamen jure huc referri possunt & pro his haberi (1.) RESOLVENTIA ex *lap. S. diaph. sperm. cet. matr. perlar ppt. pulv. absorbente Wedel. pulv. contr. cāsum, cerefolio, scabiosâ, cinnabari nativâ*, quod divinum ad omnia feri stagnantis vitia remedium laudes omnes superat, & aliis. Non sine causâ etiam horum censum subeunt laudata jam diaphoretica & anodyna ipsa, singula uni eidemque intentioni debita.

(2.) APERIENTIA, quorum nomine complectimur, quæ glandulas intestinales obstructas referant, amurcam venarum extergunt, humores acetosos saturant, edulcant, absorbent, quin & diluendo temperant, sicubi deficiat humor debitus. Talia cum primis martialia esse queunt, quæ instar omnium sunt, modò humectantia & roborantia in sicciori statu magis eligantur, ut *Ra* ♂pomata, cydoniata, ♂tis Oris cum *arcano* ♀ri tincta, ♂tis balsamica, Zwelfferi; essentia ♂ii ♀risata, anima rhabarbari, elixir antiscorbuticum, ut alia antiscorbutica taceamus.

(3.) NERVINA & CEPHALICA, illa præcipuè quæ & vincula roborant balsamicâ virtute, & feri ichorescentiam & fluxilitatem peregrinam salinam corrigunt, ex *chamedr. chamapit. rosmar. salv. major. stæchad. arab. castor. rad. chin. sarsaparill. essent. succin. lignor. specif. cephal. cinnabarino, pulv. epil. March. & similibus*.

(4.) TRAUMATICA, quæ characterem suum alcalinum vel balsamicum sanguineæ massæ, & latici præcipuè impertiunt, ut impedimentis γλίχρότη convenientis ablatis, solidescere magis in cartilaginosa & osseam duritiem possit; ut *decocta, aqua S infusa ex plantis vulnerariis*, facîle cum solventibus & nervinis miscendis, *essent. traumat. Rolf. Wedel.* quæ omne absolvit punctum, seu per se, seu cum *Râ bez. elix. pector. essent. succin. anod.* prout indicantia variant, miscenda; ut *lapides S,*

illorumq; infusum vel decoctum cum vino non denuò laudemus.

Inter roborantia hæc (5.) reponi merentur & PECTORALIA, tussi, respirationi difficili, phthisi, seu mitigandis, seu præservandis, appropriata, non omisiss, quæ calorem hecticum, si quis obrepat, attendunt. Hinc *pulv. pector. D.D. Præs. uterq;*, *elix. pector. ejusd. spec. diamarg. fr. pulv. Haly contra phthisin rec. disp.* hîc nominari merentur. Quin imò ipsa quoque pinguedo canina recens jusculis non inutiliter inferri potest, ad oleosiorum reddendum laticem.

Tandem & ALTERANTIA EXTERNA seu TOPICA recensenda veniunt, quæ vi traumaticâ, nervinâ, analepticâ, emolliente, vel roborante sunt conspicua. Sic fieri possunt FORUS ex cephalicis & roborantibus cum vino vel $\sqrt{}$ infusis & digestis; ex *aq. anhaltina, essent. rosmar. castor. ejusque spiritu, lumbric. junip. &c.* UNGVENTA ex \odot *momord. laurino, lumbric. lil. alb. ophiogloss. euphorb. n.m. petrol. medull. crur. vitul. sev. hircin. pingu. human. taxi, unguent. dialth. agripp. martiat. nervin. popul. resumptiv.* additis quoque oleis destillatis pro lubitu. Sunt qui pinguedinem anseris, muribus juvenibus pluribus impleti & aflat, pro secreto remedio habent. Quod tamen præstat, sine dubio arcescendum est ab emolliendi virtute, cum aliis communi. Compositum tale unguentum ad gibbositatem infantum describit *Strobelberg. tr. de aff. puer. p. 61.* EMPLASTRA ex cerato citrino, *sandal. empl. ad fracturas & ruptur. usit. oxycroc. emplastr. ad gibber. Hildan. descripto cent. 5. observat. 67. pag. 458. de rad. althææ, opoteldoch. Rolf. &c.* additis adstringentibus, roborantibus & discutientibus, *pulv. lumbric. terr. g. tacamah. camann. &c.* Tale quoque est à *Foresto* commendatum *l. 29. obs. 23. in schol. p. 824.* simplicius quidem ex *gummi *co & ladano*, pro pueris, & compositum magis, si desideretur.

Ex his verò non difficile fuerit medico rationali & experto feligere pro causarum & subjectorum diversitate, quod magis ex usu putet. Alia enim ratio est sicciorum, alia laxiorum vinculo-
rum habenda, unde & emollientia & adstringentia, sed diverso tempore & respectu prosunt, cujus rei exemplum videri potest apud *Amat. Lusit. cent. 5. cur. 47. p. 143.*

CAPUT XII.

Diætæ rationem annectit.

FELICIOREM tandem curationem præstat victus ratio, seu vivendi regimen, DIÆTA, quæ in genere ita comparata esse debet, ut ætatis & corporis temperiei sit conveniens.

IN NATURALI CIBUS præbeatur εὐχολῶς καὶ πολύτροφος, inprimis si siccitas conjuncta sit major & aridura. Vitentur verò nimis viscosa, salita, infumata, frixa, aromatisata, obstructionibus generandis vel rarefaciendo sanguini magis apta.

POTUS sit cerevisia defecata; recens & vetusta nimis noxia. Vinum parcâ præbeatur manu, inprimis generosum.

IN VITALI AER eligendus temperatus. Frigidus cum nervosis partibus inimicus sit, & tussi ac catarrhis generandis aptior, à corpore arceatur. Nocet verò & calidus nimis, sanguinem ad motum magis ciens ac sudorem.

IN ANIMALI QUIES cordi habeatur præ motu. Infirma illa corpora omnia lassantur & læduntur motu, qui jamdum difficilis succedit, & respirationem adauget magis.

SOMNUS cum humectet, & humidum, quo nutrimur, magis ad lentorem debitum disponat, convenit præ VIGILIIS. Opus sæpe est & de die & noctu simul gestare thoraces & ligamenta, ut constantius & reprimantur & reposita firmentur ex ordine dimota. Supinus decubitus, capite tamen paulò acclivi, hîc reliquis modis ferè præferendus. Vitandæ & in lecto, quas vocant, jectigationes.

ALVUS & VESICA recrementosas spissas & tenues alimentorum partes justo reddant tempore, ne defidiâ vel exiccatione nimîâ indurata scybala conatum in egerendo majorem inferant, unâque ossibus laborem fœnerent.

ANIMI PATHEMATA ad rationis justæ normam moderari fas est. Gaudium moderatum infantum & crescentium ætatum reliquarum temperiei est aptissimum. Ira, terror, metus & tristitia, quæ exiccant ossa, absint. Lachrymandi & plorandi occasiones, quantum licet, vitentur.

SOLI DEO GLORIA.

UT rectum obliqui, sic recti est regula curvum ;
 Utrumque ex alio noscere rite datur.
 De curvo Tua dum disquiris gibbere musa,
 currere Te recto tramite, testis ero.
 Maeste Tuis ausis, non hoc lassare labore,
 morborum artificem digna corona manet.

*Pereximio Dn. Respondenti pœoniam scandenti cathedram,
 felices apprecor studiorum successus*

P R Æ S E S.

Montis per juga tendis, ingenique
 vis cursum properat, volantis instar
 flammæ. Nunc caput, ut cupressus, effert,
 gibbosusque petit polum: per aspra
 ad laudes. Oculis patet subindè
 portus. Perge: nec abstine, priusquam
 ad summum venias. Apollo noster
 Laurum porriget, & Novena turba
 mox gratans studii feret coronam,
 virtutis comitem, tuâque dignam.

*Nob. & Humaniss. Dn. Respondenti, Amico & Auditori suo per-
 industrio, de specimine Academico hoc ex animo grat.*

Augustinus Henricus Faschius, D. P. P.

Materiam raram tractas de gibbere doctè,
 Apprecor, hinc surgat laus quoque clara Tibi.

Hoc pauxillum ὀλοψυχῶς effundebat

M. Johann. Weise / Phil. Adj.

Quid rectum & curvum hoc evolvit Jure peritus
 Et Medicus. Quæris: Sidere sed parili?
 Quidni: Namque illi dat Justinianus honores,
 Et Tibi Galenus, crede mihi, dat opes.

*Invita licet Minerva Clarissimi Dn. Auctoris Respondentis, Fan-
 toris atque Amici sui, specimini egregio applaudere debuit*

M. Jo. Andr. Schmidt / Adj.

F I N I S.